

書



古方略序



予屏居山中數蒿目

天下事念遠邇震虢

靡寧歲賴



天子宵旰勤治思得方  
召頗牧任之意良至  
亡何士空言罕尺寸  
效識者閔焉予繇是

歎古人思患豫防深  
且遠非恃其長治治  
于未亂而已嗟乎今  
天下何如哉何如哉



一日爾公張子繇

陪京以書來詒予古方

略蓋前冢宰少原余

公貳樞時所定著者

爾公之言曰方略非

專言兵而深于兵

王事維棘士不皆趙括

房瑄用佐安攘效可



躋足待願序而傳之  
予時周覽其書凡古  
征守誼謀罰賞之屬  
文儒循吏大將經權

緩急之宜歷然足觀  
變史氏編年區分條  
貫以適用爲準諸去  
取是非斤斤內中國



外夷狄進君子退小  
人出入春秋大義凜  
乎不苟者竊嘆曰始  
治于未亂之道也抑

亦可以已亂爾公言  
豈誣也哉昔蘇洵謂  
古人已往之迹深曉  
其義施之於今無所



不可而會南豐言書  
之事乃已試者師已  
試而措諸治視時人  
自用孰得孰失誠哉

是言徃予奉

簡書入朝鮮間輯古錢  
穀屯馬茶鹽漕權有  
成效者如千卷欲師



其意行之古方略寓  
諸兵而治天下之道  
具在皆已試而易曉  
者也其足補予鄉者

闕漏明甚然私惟公  
貳樞時

國家承平久當事方回  
隱觀望公顧蚤夜大



息痛武備寢弛擬繕  
寫是書入

告所謂思患豫防者非  
邪邇者盜蠶起秦豫

楚蜀患特熾黠虜叛  
卒交蹂躪齊魯間藉  
當時文武將吏率如  
公淵識蚤見覃思方



略俾權計中積忠敢  
外奮一旦有急摧陷  
廓清宜還至立效惡  
在倉卒乃求坐失勝

筭哉可嘆也已抑公  
起家予鄉永新予從  
里中悉公治實堅明  
約束頗合古兵法又



竊觀公所著王安石  
論謂安石崇信章蔡  
卒禍宋室及論華夷  
大防則又歷舉漢魏

唐宋吐蕃回紇劉淵  
鮮卑女直蒙古之亂  
歸罪漢永平八年遣  
蔡愔迎天竺爲夷亂



華之始而重以士大  
夫衣冠左衽爲戒公  
生平持論如此它立  
朝盡瘁概見諸古方略

一書本末詳爾公序  
例子故略嗟乎後世  
讀公是書當推原其  
志剛乎治天下之道



惟古是師匪豫弗立  
無徒以空言忽之哉

崇禎己卯仲春月既望  
賜進士出身嘉議大夫

吏部右侍郎前詹事  
掌翰林院事

經筵

日講官國子監祭酒左



春坊左庶子掌坊事

起居注知

制誥奉

旨首起右春坊右中允

兼翰林院編修充

經筵展書官纂修

兩朝實錄編纂六曹章

奏出



使朝鮮兼閱視海外兵

馬屯田錢糧等務

欽賜麒麟服色

新建姜曰廣序

姜曰廣

燕



姜序畢

序

今年夏張子爾公游  
新安秋返白門會虜  
寇內訌與予論古攻



守法甚具爾公喟然

曰

王事益多難哉士不讀  
史識古今成敗而能

制變禦亂未之前聞

予語爾公曰嗟乎史

學廢久矣以故士鮮

適用乃者取諸兵家



言觀之文繁事寡與  
史弗合而史紀載襍  
出尤易誤非不習其  
讀之患患誤讀史耳

爾公乃出新安少原  
余公古方略示予曰  
是書也得之余子大  
微類兵家言蓋折衷



史事者治天下有餘  
惜乎世方尚文辭知  
者鮮耳旣而曰讀史  
不慎去取信有如所

云爲史誤者它亾具  
論李漢超等備河東  
西羗得恣用關市租  
賦世輒謂此備邊要



略罔復計私金帛開  
邊釁者范昆等治盜  
誅殺二千石以下甚  
衆一郡多至萬餘人

世輒謂此禦盜要略  
罔復計上下交匿以  
文避法者嗟乎讀史  
罕所折衷其誤益如



此尤誤者史以爲戒  
世往往踵其弊不悟  
陳勝吳廣失戍期畏  
誅故叛而或且謂法

貴必仙芝黃巢攻州  
郡民困重斂者爭歸  
之而或且謂斂毋緩  
蔡京用李憲故事令



童貫監洮西軍金禍  
此始而或且謂拔湟  
州有功繇此觀之士  
不善讀史誤天下可

勝道哉古方略不然  
予繇是退而巡覽其  
書始征卒間詮評昭  
整凡爾公與予所嘆



紀載之襍與夫讀史  
之誤嚴加是正而諸  
所區別皆古智勇忠  
義類足以制變禦亂

則竊歎公意深遠哉  
史學其復興乎居久  
之爾公復過予曰古  
方略將鏤版行世當



必有知者願序其志  
予慨然曰公是書必  
傳達予聞少原公忠  
貞端恪寢食關閩濂

洛間以天下已任閱  
邊詰戎防薊諸奏狀  
鑿鑿可行意公得史  
學爲深比讀古方略



益信况

今天子思致理平虜賊  
日益誼蔑有一人亢  
杆

國難者豈盡苟且冒恥  
顧利哉繇智弗素蓄  
臨事失機宜耳公之  
爲是書智識機宜胥



是焉出土士大夫儻服  
膺無斃神而明之惡  
在治虜盜卒無術哉  
抑爾公爲予言公出

處特詳蓋攷之公里  
族故老言匪阿予恨  
不及見公度其人當  
後先忠肅文成在史



氏記籍獨是書章示  
來茲也哉要之公梗  
概見諸此而爾公與  
公之聞孫大微中台

能俾公是書必傳咸  
有功于史學者也因  
次第其說而書諸首  
崇禎庚辰仲秋朔日



賜進士第中順大夫通

政使司右通政前應

天府府丞南京尚寶

司卿吏部文選考功

司郎中奉

旨主計徐石麒謹序





徐序畢

重定古方略序

將與相事異而道同

理學政事與治兵表

裏道存乎史而已古



者出師受成於學反  
以訊馘告漢諸將往  
徃入相唐初大臣入  
則三公出則專閫類

多所建就豈時勢使  
然其道一也世顧謂  
武創業文守成安注  
意相危注意將何哉



夫貪詐雜進爲偏裨  
言耳將不聞道雖韓  
彭有時而爲亂孔明  
嫺將略平居寡欲思

過諸馭下制敵行師  
之灑率本仁義後世  
稱王佐岳武穆論兵  
仁智信勇嚴闕一不



可每調軍食蹙額曰  
東南民力竭矣推斯  
志也可以相藉爲將  
者沾沾攻戰取勝剛

果躁戾不還踵且敗  
惡能持危創業勝厥  
任哉或曰兼將相如  
古山甫孔明指不數



屈安得盡若人任之  
予曰國家分任將相  
可也宜慎考相相得  
人必能經營中外簡

賢將而責成功昔李  
林甫以三道勁兵假  
安祿山唐祚幾搖王  
縉魚朝恩朋比尸位



虜至蓄縮退蔡京用  
童貫策圖遼得七空  
城而金禍隨之亡它  
相不學故不諳史事

不諳史事故不習兵  
不習兵故以國僥倖  
至于亡嗟乎天下焉  
有賢將相不聞道者



哉新安少原余公世  
稱以理學政事治兵  
者也公始釋褐令予  
鄉永新撥劇整亂出

入古兵法迨貳樞虞  
虜患日熾將相大臣  
失人官事少闕叅較  
前史舊迹取其合道



足裨時者部分第次  
成古方略忠謨碩慮  
具古將相之用竊恨  
不及其生時與其論

辯也亟是正而版行  
之今天下棘且殆願  
二三大臣反復是書  
滾晰古今文武將相



合一之理推求漢唐  
宋任將相之弊復師  
古賢將良相治心養  
氣講學明理措諸政

事之間雖李林甫王  
縉蔡京童貫復出末  
由竊兵柄以危宗社  
方略之爲功不亦大



乎而或者謂方略罕  
它畫徒蒐綴史傳迂  
言理學政事無益于  
兵予故按古方略本

未發凡舉例使後世  
睹所自因爲之序以  
明弭盜息民治天下  
之道求諸史而裕在



得其意變化之耳孰  
謂將與相有異道乎  
哉

崇禎己卯仲春月朔

六日穀旦

後學張自烈序





張序畢



書